

Oqaluuserisassanut nassuiaat.

(Inatsisartut Siulittaasoqarfiat)

Aningaasaqarnermut Akileraartarnermullu Ataatsimiititaliaq qinnuteqarpoq oqaluuserisassani immikkoortup 7-p, 2012-imut Inatsisartut aningaasanut inatsisissaattut siunnersuutip aappassaaneerneqarnissaa 7. novemberimut kinguartinneqarnissaanik. Immikkoortoq pineqartoq ulloq 20. oktober aappassaaneerneqartussaagaluarpoq.

Taamaalilluni ulloq 7. november nutaatut ataatsimiiffissanngorpoq.

Aalisarnermut, Piniarnermut Nunanilerinermullu Ataatsimiititaliaq qinnuteqarpoq oqaluuserisassani immikkoortup 35-p, Aalisarneq pillugu Inatsisartut inatsisaata allanngortinneqarnera pillugu Inatsisartut inatsisissaattut nr. xx, xx 2011-eersussatut siunnersuutip aappassaaneerneqarnissaata kinguartinneqarnissaanik. Immikkoortoq pineqartoq ulloq 12. oktober aappassaaneerneqartussaagaluarpoq. Maanna siunnersuutigineqarpoq immikkoortoq 35 ulloq 7. november aappassaaneerne-qassasoq aammalu 15. november pingasussaaneerneqarluni.

Siunnersuuteqartoq qinnuteqarpoq oqaluuserisassani immikkoortup 78-p, Suleqatigiiffik "Atuarfimmi Timersorneq" inatsisartut aningaasanut inatsitigut allannguutissatut siunnersuuteqarneq aqqutigalugu aningaasanik 1,8 mio. kr.-inik ukiumoortumik aaningaasaliiffigineqartalnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuutip kinguartinneqarnissaanik. Immikkoortop pineqartoq ulloq 11. oktober oqaluuserineqartussaagaluarpoq. Maanna siunnersuutigineqarpoq immikkoortoq 78 ulloq 7. november siullermeerneqassasoq aammalu ulloq 15. november aappassaaneerneqassalluni.

Taamaattumik 7. november ataatsimiinnissaq nal. qulinut aallartittariaqassaaq.

Inuussutissarsiornermut Ataatsimiititaliaq qinnuteqarpoq oqaluuserisassani immikkoortup 34-p, UPA12 nallertinnagu Naalakkersuisoqarfiit suleqatigiillutik inuussutissarsiornermut inatsit siunertaanngitsumik isertortumik akunner-miliuttoqarsinnaanngortitsilluni (stråmandsvirksomhed) Kalaallit Nunaanniit aningaasanik annissuinissaq siunertaralugu nalorninarsinnaasumillu aningaasannanniarluni transfer pricing atorlugu periarfissiinersoq misissoqqullugu, tassunga ilanngullugu piginneqatigiissutinik tuniniaaneq atornagu aningaasaatillillu aningaasanik attartorfigalugit aningaasaliineq atorneqarnersoq pillugu Naalakkersuisut inuussutissarsiummik ingerlataqarneq pillugu inatsisartut inatsisaanni allanngortitsinissaq siunertaralugu suliaqaqqullugit peqquneqarnissaannik Inatsisartut aalajangiiffigisassaattut siunnersuutip, aappassaaneerneqarnissaata kinguartinneqarnissaanik. Immikkoortoq pineqartoq ulloq 12. oktober aappassaaneerneqartussaagaluarpoq. Maanna siunnersuutigine-qarpoq immikkoortoq 34 ulloq 8. november 2011 aappassaaneerneqassasoq.

Kultureqarnermut, Ilinniartitaanermit, Ilisimatusarnermit Ilageeqarnermullu Ataatsimiititaliaq qinnuteqarpoq oqaluuserisassani immikkoortup 30-p, Meeqqat atuarfiat pillugu inatsisip allanngortinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni tuluit oqaasii danskit oqaasii

naligalugit minnerni aallartittumik atuartitsissutigineqartalersillugit, aappassaaneerneqarnissaata kinguartinneqar-nissaanik. Immikkoortoq pineqartoq ulloq 12. oktober aappassaaneerne-qartussaagalarpoq. Maanna siunnersuutigineqarpoq immikkoortoq 30 ulloq 8. november aappassaaneerneqassasoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq qinnuteqarpoq oqaluuserisassani immikkoortup 22-p, Inuusuttut innarluuteqartut ukiut pingasut tikillugit efterskolersinnaalernissaat, atuarnermilu ilinniagaqartutut allatulli atugaqarlutillu ilinniagaqarnerisuteqartalernissaat Naalakkersuisunit qulakkeerneqaqqullugu Inatsisartut aalajangiiffigisassaattut siunnersuutip aappassaaneerneqarnissaata kinguartinneqarnissaanik. Immikkoortoq pineqartoq ulloq 12. oktober aappassaaneerneqartussaagalarpoq. Maanna siunnersuutigineqarpoq immikkoortoq 22 ulloq 8. november aappassaaneerne-qassasoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq qinnuteqarpoq oqaluuserisassani immikkoortup 46-p, Uunga siunnersuut: Ilinniarnertuunngorniartarneq pillugu Inatsisartut inatsisaat nr. xx, xx. xx 2011-imeersup aappassaaneerneqarnissaata kinguartinneqarnissaanik. Immik-koortoq pineqartoq ulloq 13. oktober aappassaaneerneqartussaagalarpoq. Maanna siunnersuutigineqarpoq immikkoortoq 46 ulloq 8. november aappassaaneerne-qassasoq aammalu 15. november pingajussaaneerneqarluni.

Siumut qinnuteqarpoq oqaluuserisassani immikkoortup 75-p, Sanaartornermi ilinniartoqartarneq pillugu Namminersorlutik Oqartussat nalunaarutaat nr. 10, 12. juli. 2010-meersup allanngortinneqarnissaa pillugu Naalakkersuisut peqqune-qarnissaannik Inatsisartut aalajangiiffissaattut siunnersuut, taamaalilluni Nalunaarummi pineqartumi neqerooruteqartitsisup neqerooruteqarnissamut najoqqutassani piumasagaatigineqartut amerlillugit sanaartugassap minnerpaamik 12 mio. kr.-inik naleqarpat ilinniartut sisamat atorfinitsinneqassasut taamatuttaaq sanaartugassaq minerpaamik 15 mio. kr.inik naleqartillugu ilinniartut tallimat atorfinitsinneqassasut, siullermeerneqarnissaata kinguartinneqarnissaanik. Immikkoortoq pineqartoq ulloq 12. oktober siullermeerneqartussaagalarpoq. Maanna siunnersuutigineqarpoq immikkoortoq 75 ulloq 14. november siullermeerneqassasoq aammalu UKA 2012-mi aappassaaneerneqarluni.

Siumut oqaluuserisassani immikkoortut 84, Innuttaasut, Nunat Avannarliit oqaatsit pillugit isumaqatigiissutaannut ilanngunneqanngitsut, nunasinissamik suliffeqarsinnaanermillu akuersisummik tunisinaaneri eqqarsaatigalugu, kalaallisut oqalussinnaanissaannik qanorlu oqalloritsiginissaannik pisortati-goortumik piumasagaateqarsinnaaneq pillugu apeqquteqaatitut oqallisigisassatut siunnersuutip aamma 80, Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-imeersumi § 11, imm. 2-p atorunnaarsinneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuutip kiisalu 71, Qeqertani kallerup inniliorfimmik pilersitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut, tunuartippaat.

Piffissami ullumi oktobarip ulluisa 11-aniit oktobarip ulluisa 12-at 2011 ilanngullugu Inatsisartunut ilaasortat Aleqa Hammond, Siumut aamma Astrid Fleischer Rex, Demokraatit taasisarnerit pillugit isumaqatigiissuteqarput.